



TOSHKENT DAVLAT YURIDIK UNIVERSITETI REKTORINING B U Y R U G ' I

04.05.2023

267-tm-son

Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi va boshqa ichki hujjatlarni buzish holatlari kuzatilmoqda.

Universitet rektorining 2023-yil 3-fevraldagi "Toshkent davlat yuridik universitetining bakalavriat bosqichi kunduzgi ta'lim shakli 4-bosqich talabalarining 2022/2023-o'quv yili bahorgi semestri davomida bitiruv malakaviy amaliyotini tashkil etish to'g'risida"gi 60-tm-son buyrug'iga muvofiq Xalqaro huquq va qiyosiy huquqshunoslik fakulteti 4-kurs talabalari 2023-yilning 6-fevralidan 14-aprelga qadar bitiruv malakaviy amaliyot o'tashi belgilangan.

Shuningdek, Universitet rektorining 2023-yil 3-martdagi "Akademik almashinuv dasturi asosida xorijiy oliy ta'lim muassasalarida tahsil olib qaytgan Toshkent davlat yuridik universitetining bakalavriat bosqichi kunduzgi ta'lim shakli 4-bosqich talabalarining 2022/2023-o'quv yili bahorgi semestri davomida bitiruv malakaviy amaliyotini tashkil etish to'g'risida"gi 132-tm-son buyrug'iga muvofiq Xalqaro huquq va qiyosiy huquqshunoslik fakultetining ayrim 4-kurs talabalari 2023-yilning 9-martidan 15-mayiga qadar bitiruv malakaviy amaliyot o'tashi belgilangan.

Shuningdek, Universitet rektorining 2023-yil 11-martdagi 142-tm-son buyrug'i bilan Universitet rektorining 2023-yil 3-fevraldagi 60-tm-son buyrug'iga tegishli o'zgartirish kiritilgan.

Universitet rektorining mazkur 60-tm-son buyrug'iga muvofiq bitiruv malakaviy amaliyot rahbarlari talabalarining amaliyot o'tashlarini, ularning amaliyot hisobotlarini o'rnatilgan tartibda rasmiylashtirilishini nazorat qilib, amalga oshirilgan ishlar yuzasidan haftalik ma'lumotlarni O'quv-uslubiy boshqarma Bandlik bo'limiga taqdim etib borishi, bitiruv malakaviy amaliyot jarayoni bo'yicha hisobotlarni 2023-yil 18-aprelga qadar elektron tizim orqali O'quv-uslubiy boshqarmaga topshirilishini tashkil etish va bitiruv malakaviy

amaliyot jarayoni bo'yicha shaxsan mas'ul ekanligi belgilangan.

Universitet rektorining mazkur 60-tm-son buyrug'iga muvofiq Xalqaro huquq va qiyosiy huquqshunoslik fakulteti 4-kurs talabasi Toshev Azizbek Hamdamovichning TDYU dan biriktirilgan amaliyot rahbari Shukrullayev Siyovush Ulug'bek o'g'li belgilangan.

Universitetning Xalqaro huquq va qiyosiy huquqshunoslik fakulteti 4-kurs talabasi Toshev Azizbek Hamdamovich Odob-axloq kodeksi qoidalarini bilan tanishtirilgan, dekanat tomonidan ogohlantirish berilgan bo'lishiga qaramasdan joriy yil 14-aprelda "Fuqarolik va iqtisodiy-protsessual huquqi" kafedrasi o'qituvchisi, TDYUdan biriktirilgan amaliyot rahbari Shukrullayev Siyovush Ulug'bek o'g'liga nisbatan qo'pollik qilib, hurmatsizlik qilgan.

Xususan, TDYUdan biriktirilgan amaliyot rahbari S.Shukrullayev tomonidan talaba A.Toshevning amaliyot hisobotlari va tegishli hujjatarini ko'rib chiqish jarayonida ayrim xatoliklar bo'yicha tushuntirish berilganda, talaba A.Toshev tomonidan amaliyot rahbari S.Shukrullayevga nisbatan **"muammosi yo'q joydan muammo topadigan siz kimsiz o'zi"** degan jummalarni ishlatgan.

Talaba A.Toshev o'z tushuntirish xatida amaliyot rahbari S.Shukrullayevga nisbatan qilgan muomalasiga yarasha javob qaytarganini qayd etgan. Shuningdek, talaba A.Toshevning aytgan jummalari amaliyot rahbari S.Shukrullayev bilan telegramda yozilgan yozishmalarda qayd etilgan.

Talaba Toshev Azizbek Hamdamovich mazkur harakatlari bilan TDYU Odob-axloq kodeksining 18-moddasi 2-xatboshisi (xodim va talabalar o'zaro munosabatlarda inson qadr-qimmatiga hurmatsizlik, shaxsiyatni kamsitish, o'zganing intellektual mulkini o'zlashtirib olish, qo'pollik, behayo so'zlar ishlatish, mushtlashish qat'iyan man etiladi) talablarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 18-moddasi 2-xatboshisi hamda universitetning Ichki tartib qoidalarini (ichki mehnat tartibi qoidalarini) 83-bandiga asosan

BUYURAMAN:

1.Universitet Odob-axloq kodeksining 18-moddasi 2-xatboshisi talablarini buzganligi uchun universitetning Xalqaro huquq va qiyosiy huquqshunoslik fakulteti 4-kurs talabasi Toshev Azizbek Hamdamovichga hayfsan e'lon qilinsin.

2.Fakultet dekanlari (Sh.Saydullayev, D.Kamalova, B.Musayev, D.Umarxanova, A.Babadjanov) mazkur buyruq bilan talabani shaxsini sir saqlagan holda universitet talabalarini tanishtirsin.

3. Fakultet dekani (D.Umarxanova):

mazkur holat takror sodir etilsa, talabani talabalar safidan chetlashtirish mumkinligi to'g'risida ogohlantirsin;

mazkur talabani shaxsiy hujjatlar yig'majildiga buyruq nusxalari tikilishini ta'minlasin.

4.Mazkur buyruq bajarilishini nazorat qilish prorektor A.Hashimxonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV



Bo'lim boshlig'i

J.AXMEDOV

